

850 Pati, 153 tekong ditahan



KAWALAN kawasan sempadan akan terus diperketatkan.

Putrajaya: Seramai 850 pendatang asing tanpa izin (Pati) dan 153 tekong ditahan kerana cuba memasuki sempadan negara melalui lorong tikus sejak 1 Mei sehingga kelmarin.

Menteri Kanan (Kluster Keselamatan) Datuk Seri Ismail Sabri Yaakob berkata, turut ditahan 12 individu yang disyaki penyeludup serta 18 kapal menerusi Operasi Benteng membabitkan Angkatan Tentera Malaysia (ATM), Polis Diraja Malaysia (PDRM), Agensi Penguatkuasaan Maritim Malaysia (APMM) dan Agensi Keselamatan Sempadan Malaysia (Aksem).

Menurutnya, operasi itu bagi mengawal ketat sempadan negara secara bersepadu daripada dibolosi Pati bagi mengekang jenayah rentas sempadan selain menyekat penularan wabak Covid-19.

"PDRM turut membuat 68 sekatan jalan raya (SJR) di seluruh negara berbanding

68

Jumlah sekatan jalan raya (SJR) diadakan di seluruh negara

66 pada hari sebelumnya dan memeriksa 40,880 kenderaan bagi mengekang masuknya Pati terutama di lorong tikus.

"PDRM menahan enam warganegara asing semalam dan empat lagi pada hari sebelumnya di SJR Operasi Benteng atas kesalahan imigresen," katanya pada sidang media di sini, semalam.

Ismail Sabri berkata, kerajaan akan mengambil tindakan tegas terhadap mana-mana pihak yang cuba memasuki sempadan negara secara haram.

Beliau berkata, agensi penguat kuasa akan terus mengetatkan kawalan kawasan sempadan terutama di lorong tikus.